

## Риёзус солиҳийн шарҳи / Риёзус солиҳийн шарҳи / 859-ҳадис

859 - وَعَنْ أَبِي هُرَيْرَةَ رَضِيَ اللَّهُ عَنْهُ، عَنِ النَّبِيِّ صَلَّى اللَّهُ عَلَيْهِ وَسَلَّمَ قَالَ: «لَمَّا خَلَقَ اللَّهُ آدَمَ قَالَ: اذْهَبْ فَسَلِّمْ عَلَى أَوْلِيكَ - تَقْرٍ مِنَ الْمَلَائِكَةِ جُلُوسٌ - فَاسْتَمِعَ مَا يُحْيُونَكَ، فَإِنَّمَا تَحْيَيْتُكَ وَتَحْيِيَّةُ ذُرِّيَّتِكَ، فَقَالَ: السَّلَامُ عَلَيْكُمْ، فَقَالُوا: السَّلَامُ عَلَيْكَ وَرَحْمَةُ اللَّهِ، فَرَادَوْهُ: وَرَحْمَةُ اللَّهِ». مُتَّفَقٌ عَلَيْهِ [خ 6227 ، م 2841].

859. Абу Хурайра розияллоху анхудан ривоят қилинади:

Набий соллаллоху алайҳи васаллам:

**«Аллоҳ таоло Одам алайҳиссаломни халқ қилиб, у кишига: «Бор, анави ўтирган бир неча фаришталарга салом бер ва сен билан нима деб саломлашишларини эшитиб олки, (бу) сенинг ва зурриётингнинг саломлашуви бўлади», деди. У «Ассаламу алайкум», деди. Шунда улар: «Ассаламу ғалайқа ва роҳматуллоҳ» деб, бунга «ва роҳматуллоҳ»ни қўшимча қилишди», дедилар.**

*Муттафақун алайҳ.*

**Шарҳ:** Уламолар ушбу ҳадисни қуйидагича шарҳлаганлар: “Боргин-да, анави ўтирган бир неча фариштага салом бер. Уларнинг сен билан нима деб саломлашишларига қулоқ сол” деган сўздан фаришталарнинг Одам алайҳиссаломдан узоқда бўлганини тушуниш мумкин. Бу эса илм олиш учун саъй-ҳаракат қилиш мустаҳаб амал эканлигига далил бўлади. Бундан кўринадики, Одам алайҳиссалом илм олиш учун саъй-ҳаракат қилган кишиларнинг энг биринчиси эканлар.



HADIS.ISLOM.UZ  
NUBUVVAT MARVARIDLARI